

并

滌

百

金

方

泚澣百金方卷三

惠麓酒民 編次

湛華居士 重訂

孫子曰兵無選鋒曰北吳子曰一軍之中必有虎賁之士
力輕扛鼎足輕戎馬寡旗取將必有能者若此之等選而
別之愛而貴之是謂軍命則鋒宜選矣法曰無制之兵有
能之將不可勝也有制之兵無能之將不可敗也則練當
精矣輯選練

訓練

總引

孫子云約束不明申令不熟將之罪也則三令而五申之矣
司馬法曰教惟豫戰惟節將軍身也卒肢也伍指拊也守令
何獨不然故必諄諄開導勸誨如父之訓其子兄之訓其弟
即之訓其徒使之忠義發動利害分明而後身使臂臂使指
如一人焉越之國吳必十年教訓則非一朝一夕之故也閔
訓兵六章字字激切當為練兵之首務

忠愛

謝爾衆兵第一要忠愛如何叫做忠愛忠是忠君愛是愛國

凡大小人家供奉必曰天地君親可見君與天地覆載一般與父母生身一般若不忠君與不敬天地不孝父母何異蜂蟻尚知君臣何況人類就是天地生人多有啼飢號寒的父母生身亦多有賣男鬻女的你們日食月糧安享荼養比天地父母恩更大你再看世間人畊田的完糧做工商的納稅就是遊手遊食的也當丁差都是那忠愛的道理朝廷將百姓點點膏血都破費在你們身上這是為何就髮膚盡捐尚不能圖報萬一奈何口食糧餉只做自己買賣貪懶偷閒全無報効念頭說起操練便道辛苦一旦有事又只顧身子不

顧國家如此忘恩背義的人鬼神也不容光國寧有事連你身子真在何處試清夜捫心渾身汗下你們都是有血性漢子只是不提不醒誠時刻提醒一副忠愛心腸精神自然振發筋骨自然抖擻遇有警報就是切身痛癢便赴湯蹈火怎肯退轉你看從來忠臣義士烈烈千古誰人不景慕亦誰人做不來去武穆從軍士起家背上刺精忠報國四字你們須切切記着

敢戰

謝爾衆兵你們既發了忠愛念頭切須要敢戰如何叫做敢

戰只是不怕他便是一敢字若去做不好事便是亂臣賊子若去殺賊便是忠臣義士如何不怕賊只要拚得性命今日你們安安稳穩受享口糧原說我是拚命殺賊的好漢朝廷蠲百姓的膏血養你們原說這都是我拚命殺賊的好漢及至上阵却便畏縮究其病根只是一箇保性命的念頭不覺手忙脚亂被他一刀砍來反斷送了性命豈但斷送了人性命衆人見了不覺慌張連衆人性命被你斷送了就走得脫時軍法臨陣退縮者斬那箇饒得你過豈不是要性命反失了性命况性命是閻王法定的若是命該死一場傷

寒便死了人自古真正好漢從百萬軍中揮戈策馬只是一點不怕死的心腸奮激出來壯起三十六人橫行鄴善諸國謝元八十服皆堅八十萬這是何等氣魄切須聽著

守法

諭爾衆兵你們既要收戰又要不敢犯法這部律例是皇帝苦心要保全人性命身家做出來的假如沒有這法殺死人的不償命你這性命留得麼搶奪人的不問罪你這衣服留得麼況在軍中衆軍士性命所關如一人退縮不斬人人効尤被賊趕上豈不送了全軍性命如一人犯令不斬人人効

尤一遇交鋒豈不把全軍性命交付與敵人古大將有軍士
取民一粟立斬以徇者這粟值得多少正怕人人効尤既取
得粟便取得別樣物件搶奪成風地方不怕賊而怕他不恨
賊而恨他反思順賊做賊細作豈不害了全軍性命昔呂蒙
麾下士取民一簞笠泣而斬之這麾下士是呂蒙同鄉蒙為
軍法便沒奈何且莫說同鄉齊有獲苴諸莊賈監軍賈失期
苴立斬之這莊賈是齊若幸臣苴為軍法便沒奈何且莫說
幸臣漢蕭何薦韓信築壇拜將蕭何開棘門韓信立斬其馬
這蕭何是韓信恩主只為軍法便沒奈何且莫說恩主漢文

帝夜至周亞夫營守門者曰只聞將軍令不聞天子詔及天明入營文帝要馳馬主令者曰軍中不馳文帝只得按轡徐行可見這軍令凜他恁人犯不得的我今日與你們便是父子一般到犯法時節便是親兒子也顧不得了只為上陣時節單看這法來保全你們性命思之慎之切須聽着

勤習

謝爾衆兵前教你們敢戰只是不怕須有實實落落不怕人的手段這手段那有天生成的須是要勤習古人云習慣成自然如何不習又云三日不彈手生荊棘如何不勤習你習

得手段高強決能殺賊若是不如決為賊殺不勤習武藝便
是不要性命也殺得賊時有無限好處古人如岳王原從小
平做起可見這武藝不是答應官府的公事是保性命立功
名取富貴的勾當須是著實勤習又須勤習那臨陣時實實
落落殺賊的武藝不要習那花法欺瞞官府臨陣却用不着
如射箭須學大架射搭箭要快眼專視賊前手立定後手加
力前手把弓如月出箭穩疾如鳥銃手須要眼着兩焰星銃
去時不動手不轉頭纔會中圓牌又要遮得身過低頭進前
只歇馬脚人脚步步防槍牌向槍邊刀向人砍方妙又如長

槍用短法短刀用長法諸如此類總要認定這是保性命立功名取富貴的勾當決然虛應故事不得官府揀演猶有限期須時時刻刻如敵在前眼思夢想定要一日高似一日憑他恁賊怕不殺盡他從來兵法有目習耳習心習手習足習韓世忠真背兔軍五百人朝夕操練一可當百順昌之捷金兀本望見旗幟便走岳飛每休舍即令軍士穿重甲學跳濠法所向無敵你們聽着

教睦

諭爾衆兵如今你衆人相聚在此最是要教睦如何叫做教

睦教是教厚睦是和睦世間有等刻薄的人談人之短利人之災凡事只知有己不知有人人人怨他恨他又有一等乖戾的人動輒使性一言不合怒氣相加如此天空地濶世界沒一處安頓得他人生在世何苦如此你們今聚在一處便是前世緣分主時就是父親一般你們長者為兄幼者為弟要如親生一般你不見那中舉中進士的東南西北各處人一時同榜便叫年兄年弟你們同營當兵與他總是一樣今日各行各坐各衣各食你不靠我我不靠你便不敦厚和睦似覺無妨到那上陣廝殺的時節性命只爭呼吸那時得箇

人來一臂相助不但保全性命更可殺賊立功如此關係甚大不是平日相好安得有此所以勸你們敦厚和睦有無相通患難相救衣食相照顧疾病相扶持小便宜莫討小口舌莫爭有酒同飲有肉同吃手段高似我的敬他學他莫妬忌他手段不如我的愛他教他莫非笑他口口相約心心相念只是回顧那上陣時一着我性命須索你救你性命須索我救安得不如膠似漆況這良心何人不有你敬他他還敬你你愛他他還愛你這狠心亦何人不有你罵他他還罵你你打他他還打你所以做好人只好了自家做惡人只害了自

家平日一國和氣上陣時自然我救你你救我守則同固戰則同強試看劉關張以異姓三人桃園結義便做出許多事業至今關王英靈人人敬仰你們聽著

信義

謝爾衆兵你們與人既要敦睦自己做人又要信義天地間只有信義兩字是立身根本如何叫做信心裡念的如此口裡說的如此今日說出這話終身守着這話不指東說西不將無作有不見一利害便改頭換面使人人都信得你過這纔是信如何叫做義守自己道理盡自己職業視君上如父

母親同輩如兄弟視國家的事如自己的事一切負心忘恩的事斷不肯為一切犯名分壞綱常的事斷不肯做這纔是義這樣人平日人人都敬服他上官也愛重他遇有事時心腹可相託緩急可相倚朝廷也仗賴他自然名成功立人若無信變作欺誑就是父母妻子也犯做箇騙子看待人若不義轉眼負心就是至親骨肉也犯做箇沒行止的看待試看古人如晉解揚晉君使傳命於宋楚人拿住他賂以重貨決不改口何等有信又如靈輒感趙盾一飯之德遇難竭力捍禦得免其死何等有義至今名揚千古你們聽着

選鋒

卧彪

北魏李崇深沉有持略在壽春十年常養壯士數千人寇賊
侵邊所向摧破號曰卧彪

捕盜將

唐山東道節度使徐商以封疆險濶素多盜賊選精兵數百
人別寘營訓練號捕盜將及湖南逐帥詔商討之商遣捕盜
將二百人平之

突將

蠻寇將至四川刺史楊慶復募驍勇之士補以實職厚給糧
賜應募者雲集慶復列兵械於庭使之各試所能兩兩角勝
察其勇怯而進退之得選兵三千人號曰突將蠻合梯衝四
面攻成都慶復即突將出戰殺傷蠻二千餘人會暮焚其攻
具三千餘物而還蜀人素怯其突將新為慶復所獎拔且利
於厚賞勇氣自倍其不得出者皆憤鬱求奮

馬燧教騎

唐馬燧為河東節度使河東來百井之敗騎士單弱燧悉召
牧馬所役教之數月皆為精騎

李抱真教步

唐李抱真兼澤潞節度副使抱真策山東有變澤潞兵所走
某乃籍戶三丁得一壯者齎其徭租給弓矢令閒月列曹偶
習射歲終大較親按籍第能否賞責比三年皆為精兵舉而
部得成卒二萬故天下稱昭義步兵為諸軍冠云

高崇文練卒

唐高崇文屯長武練卒五千常如寇至

選兵議

凡選兵者或取豐偉或取武藝或取力大或取伶俐皆不可

以為準何則豐大而膽不充則緩急之際脂重不能疾趨反
為肉累此豐偉不可恃也藝精而膽不充則臨事怕死手足
倉卒至有倒執矢戈先衆而走此藝精不可恃也伶俐而膽
不充則未陣之先預思自全之路臨事之際既欲先奔復以
利害恐人為已避罪之地此伶俐不可恃也力大而膽不充
則臨時足輟眼花呼之不聞推之不動是力大不可恃也是
以選兵者必以膽為主練膽之術在信賞必罰而罰為尤重
人使將權可殺人也士卒之畏將甚於畏敵也進未必死退
必不生則士卒之膽固有不習而壯者說在蘇老泉之諫論

也今有三人焉一人勇一人怯一人勇怯半有與之臨乎淵谷者且告曰能跳而越焉其勇怯半者與怯者則不能也又告之曰跳而越者與千金不然則否彼勇怯半者奔利必跳而越焉其怯者猶未能也須臾顧見猛虎暴然迫逼則怯者不待告跳而越之如康莊矣然則人豈有勇怯哉要在以勢驅之耳嗟乎明於此喻者可以知練膽矣夫使大將登壇懸數萬金以待而士卒亂行者立斬數人吾雖懦猶可驅市人而戰之今將領手中無一錢而治軍罪止于貲耳不有千金猛虎彼怯者肯越淵谷乎然而練膽之說施之于少年則易

施之中年者難邪都督成與曾一本戰而馘之也試問冲鋒
陷陣者誰則皆左右諸少年度其年不過二十上下而已蓋
少年氣銳不知死活易于鼓舞是以用壯不如用少也

軀幹豐偉武藝精通力大侔例而魚有膽氣者上也必不
可得則寧取膽耳

練射

李愬練射

李愬為魏文侯上郡之守而欲人之善射也乃下令曰人之
有狐疑之訟者令之射的中之者勝不中者負令下而人皆

疾習射日夜不休及與秦人戰大敗

种世衡

宋种世衡在青澗教吏民習射雖僧道婦人亦教之以銀為射物中者與之既而中者益多其銀輕重如故而的漸厚且小矣或爭徑役輕重亦使之射射中者得優處有過失亦使之射射中則釋之由是人人皆能射夏戎不敢犯

蘇軾弓箭社

蘇軾之增修弓箭社條約曰慶歷中趙元昊反屯兵四十餘萬皆不得其用卒無成功范仲淹劉庠种世衡等專務整緝

番漢熟戶弓箭手所以封殖其家砥礪其人者非一道故元
昊復臣令河朔西路備邊州軍自澶淵講和以來百姓自相
團結為弓箭社不論家業高下戶出一人又自相推擇家資
武藝衆所服者為社頭社副錄事謂之頭目帶弓而鉏佩劍
而樵出入山坂飯食長技與北虜同私立賞罰嚴於官府分
番巡邏鋪屋相望本土有盜不獲其當番人皆有重罰遇有
緊急擊鼓集衆頃刻可致千人器甲鞍馬常若寇至蓋親戚
以墓所在人自為戰虜甚畏之向使州縣逐處皆有弓箭社
賊豈敢輕犯邊寨如入無人之境哉

課射法

范仲淹韓稚圭經略西夏時令百姓自相團結為弓箭社宜
采訪其遺法增損其約束在城者分為四社鄉鎮每鎮立一
社村庄相近者或三五村或十數村各自為一社聽從其便
擇寬大廟宇一所為講習韜略處擇空闊平地一段為演習
弓箭處在城四社各聘善射者一人為社長武藝超羣者二
人為社副善書二人為社錄村鎮亦然不論軍民士商願入
者聽古者士大夫亦學射澤官即相之子亦嘗戍邊所謂有
文事者必有武備何耻之有每社實武經等書時時講習三

六九日習射一次如膂力過人家貧不能實弓矢本社好義
富家代實者給牌優獎社約既定每季有司親赴各社較射
一次有射箭命中稍略精熟者賞本人仍賞社長民間宴會
即以射箭賭酒猶勝于行令遊食無賴即以射箭賭錢猶勝
于樗蒲有犯罪當罰者即以射箭多寡減等犯罪當責者即
以射箭中否減數于尋常遊販間學得一救命之方有事可
以禦外患無事可以消內憂盜賊不敢生心奸細聞之遠遁
有利無害曷不舉而行之

武弁射

守備千把總等官每遇督撫入境出巡官評冊揭其應薦獎
戒大都不盡在弓矢是以繩文武之法繩武弁也大武弁之
放浪不簡有玷康守者自應懲戒而武伎尤其本等其職業
之修不修一較射而知之矣如能每月各武弁俱赴演武場
較射一次倘遇督撫按部應報冊揭內即以屢次之不中箭
者盡行開報與放浪不簡者同戒即有素行應戒者倘能射
中多亦得宥免則諸弁知所重在射必殫力習學而精射者
衆矣

武士射

文學生員有歲科考院課月課不一而足而武生何獨不然倘能亦如課文士法設武學官每月十日一次課其弓矢分別等第報府報縣府縣亦以書院課文法月一試之分別高下報之上臺上臺亦每年發檄一考分別等第以行賞罰有能挽強命中百不虛發者不次擢用諸民間子弟有能射者另冊送考取入武學某縣若干名以備訓練其荒廢考居下等者亦行學黜退則諸生知所取在射亦必殫力習學而精射者必多矣

文士射

古有鄉射今天下儒學皆設有射圃其故可思也乃諸士子
惟工鞞悅竟不知弧矢為何物即射圃亦鞠為茂草矣無乃
非立法初意乎如能每月府縣官亦以月課法親閱一次分
別等第出桀激賞其巧力俱全發輒破的者破格優禮而不
習者薄待之每年終查各學習射多寡而教官官評亦即于
此分優劣如是而教官必率其士子以競力于射矣

考試射

生員歲考科考分別四等童生考試入學皆品評其文義而
諸生意亦皆以工拙自安者也乃每當府縣考試前後求績

取或告考者累累不可勝數焉夫生童之欲得者名耳今議于未取童生再廣收以考射之法有能射多中者府縣各于原案外盡行拔取另造一冊送院收考其文義稍通者一例拔取入學以示鼓舞夫前之武生是專以弓射進者也此之童生是以文義兼弓矢進者也才既不同故入學各別若生員之考優等不願射者無論矣其三等以下至四等發案後有自稱能射及冊報屢能命中者提學再面試之果能于八十步外中七八矢者不妨破格拔等以示文武並重之意如是而諸生亦無不人人自相率以競力于射矣

近射法

凡用弓矢近中易遠中難近則力強遠則力弱所以箭必近發發乃奇中今後習射不用張鵠日以三尺許長小棍置地四十步內射之射到矢中棍射賊必無虛發矣

攢射法

安人形犯三箇顏色各異用鼓音響亮者一人執一紅旗任其所指無不中者蓋敵人中有領衆頭目只射殺頭目一人衆敵自然敗走此擒賊擒王之法也

軍中威望莫重推標一將見擒三軍之膽盡寒矣守城合

戰俱宜如此

攢

射

圍



練方向

凡旗幟製八方則色雜而衆目難辨如以東南西北為名則愚民一時迷失方向即難認矣惟左右前後屬人之一身凡面所向謂之前則用紅旗即方為南行為火火之色紅神為朱雀卦為離凡面所背謂之後則用黑旗即方為北行為水水之色黑神為元武卦為坎凡左手所指謂之左則用青旗即方為東行為木木之色青神為青龍卦為震凡右手所指謂之右則用白旗即方為西行為金金之色白神為白虎卦為兌凡脚下所立謂之中央則用黃旗即方為中行為土土

之色黃神為勾陳卦為太極凡人一身皆有左手方手前面
背後中央此人人可曉若舉點黃旗則是中軍欲變動聽號
令施行若舉紅旗則是前營兵欲變動聽號令施行若舉黑
旗則是後營兵欲變動聽號令施行若舉青旗則是左營兵
欲變動聽號令施行若舉白旗則是右營兵欲變動聽號令
施行若舉某方旗俱要向某方者但舉黃旗四面俱要向中
者若見五方俱舉各營四方各照本方向外執立聽號令施
行凡旗點向何方隨其所點向往旗不定不止旗不伏不坐
善哉孫武子教宮嬪曰汝知而左右手心背手嗚呼此教戰

之指南也

練耳專聽金鼓練目專視旌旗

五兵之為用多矣然古人行師第曰祭旗曰繫鼓者何也蓋以金鼓旌旗乃一軍之耳目尤為喫緊耳若金之不進鼓之不進麾之而不從移指之而不從死雖有百萬何濟于用哉所以賊將軍南塘分付軍士云你們的耳只聽金鼓如撞鼓該進就是前面有木有大也要去如鳴金該退就是前面有金山銀山也要依令退回你們的目日間只看旗幟夜裡只看高招雙燈如某色旗豎起點動便是某營兵收拾聽候號

頭行營出戰不許聽人口說的言語擅起擅動若旗幟不動就是主將口說要如何也不許依從就是天神來口說要如何也不許依從若是這等大家共作一箇眼共作一箇耳共作一箇心有何賊不可殺何功不可立

練心

勝敗無異術也士卒之心畏敵甚于畏將即敗士卒之心畏將甚于畏敵即勝欲其畏將亦無異術也千金之賞懸之于先猛虎之威迫之于後雖市人可以戰矣古之善用兵者揮金如揮土殺人如殺草絛有至意只如今日銖兩以為賞

殺實以為威欲其畏我侮敵以講練心之術也難以企矣

練手足

練手使之屈伸便利提挈敏快練足使之進退合宜往來合法然非徒手空足而練也手足便捷全繫于器械輕利古法云器械不利以卒予敵也手無搏殺之方徒驅之以刑是魚肉士卒也器習利而無號令以一其心金鼓以一其耳目雖有藝與徒手同三軍既悉吾令則當精夫藝藝與法令並行則陣而方之坐而起之行而止之左而右之別而合之聚而分之何手足之不指揮如意哉天生飛潛之物授以爪牙鱗

甲蹄鬣人而無此故昇五兵代之夫天有五行以應五兵長短相救勢所必至制器爲詳之矣

練技藝

救兵之法練膽爲先練膽之法習藝爲先藝精則膽壯膽壯則兵強技藝之中有虛有實有陽有陰有起有伏有後人發先人至之形有致人而不致于人之巧有一二勢變出百千勢有百千勢歸于一二勢有一二言包括有餘有百千言形容不盡詎可謂其無精微之理而易言之乎爲將者苟未之學則天下技藝之師皆得以虛文之套欺之而我兵之習于

藝者亦惟以虛文之套為尚故終年練習而竟無精兵無怪
也今之技藝花法勝而對手功夫全速只要盤旋上下蒲片
花草試問弓矢疎密之法又犯奮搏之法刀槍擊刺之法藤
木二牌起伏之法諸記類不可枚舉皆茫然不解矣安望其
對敵不怯而走哉

練行伍

練兵須求實用十人可用勝百千人無用者然欲得實用不
過伍法精熟奇正相生而已陣隊之法即一人所習之法也
一人之閒有五體馬身為中二手二足為左右前後五者變

化不可勝用矣引而伸之弱類而長之五人五十人以至于
五萬五十萬人之開同一法也有人問俞大猷兵法孰為最
要曰節制二字兵法之大要分數分明步伐止齊八字節制
之條日七書千萬言八字該之矣明此八字之義于兵思過
半矣靜亦靜動亦靜後人發先人至致人而不致于人隨機
運用微乎神乎今督撫閱兵操練皆是虛套但要周旋華采
如同戲局就操一十年何用人馬如何調度對陣如何廝殺
賊據山岡我在平原如何攻圍賊在平原我臨川澤如何敵
閉賊伏山谷忽然邀截如何冲鋒策應之兵如何疾如風雨

追逐之兵如何勇如狼虎誘敵之兵如何伏如狐鼠避敵之
兵如何藏若鷹鷂號令如何習熟坐作如何齊一初戰如何
命衆戰罷如何收兵險隘如何設伏要害如何隄防消息如
何探聽倉卒如何應酬是在司閔者實實講求焉爾

額兵

額兵者各郡邑額設之兵也 國初額設以五千計所以千
計以百計州縣又有常兵機兵城守之兵何處無兵而其如
吏不習兵士不學戰冊中白羽呼之不靈惟坐糜廩餼而已
一旦有急如驅群羊而當猛虎寧有濟乎故練之不可不至

也

范仲淹大閱州兵

范仲淹知延州大閱州兵與營田以恩信懷來羌漢之民相踵歸業所得上賜悉給分諸將居二年士勇邊實恩信大洽乃決策謀取橫山復靈武元昊大慙遂稱臣請和又分州兵為人將三十人分部教之量賊衆寡使更出禦賊賊不敢犯既而諸路皆取法焉

張栻簡閱州兵

張栻知靜江府所統州十有五遠夏荒殘故多盜賊徼外蠻

夸俗尚仇殺開入塞侵掠而州兵皆脆弱情狀至則簡閱
州兵汰冗補闕籍諸州黠卒伉健者為教用日習月按申嚴
保伍之法諭溪洞酋豪拜怒睦鄰毋相殺掠于是羣蠻帖服
孟宗政忠順軍

孟宗政權知柔陽軍民逃而後歸者以萬數宗政發倉贍之
藉其壯者號忠順軍伴出沒唐鄧間宗政由是威名振于境
外金人呼為孟爺爺信賞必罰好賢樂善為一時名將云

蘇軾部勒戰法

蘇軾知定州定久不治軍政尤弛武衛卒驕惰不教軍校蠶

食其康弱不敢問公取其貪汙甚者配隸遠北然後繕修營
房禁止飲博軍中衣食稍足乃部勒以戰法衆皆感服會春
大閱軍旅久廢將吏不識上下之分公命舉舊典元帥常服
坐帳中將史戎服奔走執事副總管王光祖自謂老將耻之
稱疾不出公召書史作奏持上光祖震恐而出定人言自韓
魏公乃見此禮云

孟珙寧武軍

孟珙為四川宣撫使魚知夔州節制珙至鎮招集寧武軍曰
不擇險要立砦柵則難貴兵以衛民不集流離安耕種則難

貢民以養兵乃立賞罰以課殿最以李庭芝權施州庭芝訓
農治兵選壯士祿官軍教之期年民皆知戰守善馳逐無事
則拉交而耕敵至則悉兵而出琪下其法于所部行之

辛次鷹治兵設險

辛次鷹令蒲城比至寇已焚其邑次鷹披荆棘坐瓦礫中安
輯吏民治兵設險賊不敢犯境一邑更生

魏了翁較閱軍士

魏了翁知瀘州奏葺城堞精器械出則較閱軍士入則興諸
生橫經課業夸人望風而遁

土兵

土兵者召募土著之兵也。市井負販之夫，田野鉏耰之子，今日麗名于官，明日驅以應敵。是急可為兵哉？募之宜早，練之宜勤。吾民即吾兵矣。從來難馴，則易潰者，皆客兵爾。必土著之兵，根腳立定，然後可以懾服。客兵而盡為我用，此輩有籍貫，有親友，有父母妻子，雖欲逃，無可逃。食以厚糈，激以重賞，予以器甲，人可省督餉之煩，較之徵調，召募何如哉？

韓愈召募上人

韓愈與鄂州柳中丞書曰：天下之兵，乘機逐利，四出侵暴，屠

燒縣邑殺賊不辜探其他數十里莫不被其毒握兵之將熊
黑驅虎之士畏懦踈蹈莫肯仗義為士卒前行者夫連徵軍
士行者有羈旅離別之思居者有怨曠騷動之憂本軍有餽
餉煩費之難地主多姑息形迹之患急之則怨緩之則不用
命浮寄孤懸形勢消弱人與賊不相諳悉臨敵恐駭難以有
功若召募土人必得豪勇與賊相熟知其氣力所極無望風
之驚愛護鄉里勇于自戰徵兵滿萬不如召募數千可上聞
行之否

韓愈諭淮西土人召募成軍

選錄

韓愈論淮西事宜狀曰諸道發兵或三二千人勢力單弱爲
旅異鄉道路遼遠勞費倍多士卒有在行之艱閭里懷離別
之思今聞陳許安唐汝壽等州村落百姓悉有兵器小小俘
劫皆能自防習于戰鬪識賊深淺俱是土人護惜鄉里比來
未有處分猶願自備衣糧共相保聚以備寇賊若令召募立
可成軍兵數既足加之教練三數月後諸道客軍一切可罷
比之徵發遠人利害懸隔

蘇軾論練軍實

蘇軾論練軍實策斷曰三代之兵不待擇而精其故何也兵

出于農有常數而無常人國有事要以一家備一正卒如斯而已矣是故老者得以養疾病者得以為閑民而役于官者莫不皆其壯子弟其無事而田獵未嘗發老弱之民兵行而饋糧未嘗食無用之卒使之足輕險阻而手易器械聰明足以察旗鼓之節強銳足以犯死傷之地千乘之衆人人足以自捍故殺人少而成功多費用少而兵卒強及至後世兵民既分兵不得復為民于是始有老弱之卒拱手就戮百萬之衆見屠于數十之兵者其良將善用不過以為餌委之啖賊嗟夫三代之衰民之無罪而死者其不可勝數矣

續感籍民為義勇

紹興三十一年虜入寇詔淮漢等郡籍民為兵續感守荆南
請籍民為義勇其法取于主戶之隻丁十戶為甲五甲為團
皆有長又擇邑豪為總首農隙教以武事官給其糧至乾道
間舉入縣之籍得義勇八千四百十九人淳熙初張栻為帥
益修其政義勇增多至萬五百人分為五軍軍分五部後四
年趙雄又增三千三百人時十一年冬通為萬三千八百餘人

薛季宣弓箭手保甲法

紹興末武昌令薛季宣求得故陝西河北弓箭手保甲法五

家為保二保為甲六甲為隊據地形利便則為總不限以鄉
總首副總首領馬諸總皆有射圃而旗幟亦別其色紹熙四
年冬凡萬五千二百一人荆鄂二郡率四五家有一人為兵

辛弃疾招丁補額

辛弃疾知福州福州前枕大海賊藪也俗悍易亂無積貯弃
疾苦心期歲積糧至五十萬榜曰備安庫招壯丁補軍額訓
練有方四境清閑卒以抗直坐劾去士民填哭巷滿

鄉兵

鄉兵者各鄉村團結之兵也周官比閭族黨之制為鄉兵之

始管子因之作內政而寓軍令桓公以伯漢唐後宋有河東河北保毅護寨諸兵利病半焉明時流寇猖獗在在議鄉兵未見成功先貽騷擾益有兩難其一則有司率皆逢掖之儒未學軍旅能必丈人之吉乎其一則才堪長子權不在焉亦未易成節制之師也夫善用兵者能殺士卒之半今之率鄉兵者敢殺一人否雖千金之賞未必得勇夫之用矣惟權歸有司而知人善任者天下而民從之吉又何咎唯在擇任守令哉我唯在擇任守令哉

崔饒解兵論

明嘉靖癸未山東盜王堂起議調遼兵崔銑著論曰國家有
漢之金甌亡其強無宋之苟安類其弱孟由士業章句登仕
太易鮮知經世之學官多率制遺代太數不予專斷之權也
弛而莫久莫甚于兵舊制縣令民壯即古士兵近年增減靡
定多以傭奴充之使之搶賊如驅牛羊入屠門也宜制大縣四
五百人次三百人又次二百人兩戶隸出一人分為兩班棟
拔悍勁操習武事登其材武者為隊長值者守城緝盜休者
力田樹桑平居謀察逋竄小團結以守夫民貧為小盜應
倡而聚然後大每鄉嚴則縣靖縣嚴則府靖推之天下皆然

大司馬彭公如鉞策奏行不數月王堂平

趙完壁鄉兵奏

萬歷二十五年趙完壁奏鄉兵之利有三擾有五嚴祛其五
獨存其三法斯善矣何謂三利民無轉餉之勞士免征調之
苦一利也倭忽緩急禍起變生袍鼓一鳴倉卒可集二利也
人自為兵家自為敵有兵之實無兵之名三利也此三利人
人能言而利中之害法中之擾非目擊其弊者不知何者兵
農之分已久一旦驅而為兵誰應之者勢不得不計丁報派
里胥乘奸索賄富者以錢神而漏貧者以閭左而役其擾一

也派有名籍矣器械所需官不給予賣之自備如貪採吏又
駕為查驗之說百方刁勒其擾二也器械驗矣例應造冊報
上紙墨之費官不肯出而責之吏吏復稟官而派之兵及其
轉上之府府吏人索賄後收其擾三也冊已申矣定期而操
有司隨意晏早或持兵日午而待不至或晨夜已散而忽點
查不到有罰不中有贖使民賣田鬻子而償其擾四也操有
期矣訛言或至不查的實張皇四顧輒集城守露處宵立曠
日糜工其擾五也民間器然喪其樂生之心者皆由于此不
北走湖則南走越是可不為之慮哉故欲練鄉兵先去五擾

欲去五擾莫如寬厚之意多而束縛之政簡富家大姓計口
分充單丁獨戶者可免也應用器械官為給予近日募兵之
例可凡也冊足以記名籍紙字美惡格式合否不必太拘官
為之可也定操有期早暮勿爽有司勿怠玩視之餘日放之
歸農勿故為牽制可也中者有賞不中者少示懲戒薄加鞭
朴勿弛之贖可也去此五擾然後民不稱病而募兵之法可
行

趙懷玉辨兵疏

崇禎四年趙懷玉疏曰城守無如練鄉兵矣以父兄弟之

兵守桑梓父母之邦誠便計也愚以為練鄉兵必揆舊兵今搜括已窮豈能千原額外再征鄉兵之餉或曰使貧者出力富者出財不費官一鎰然好義樂輸之人甚少勢必報富戶汰之不給者勢必以鞭扑強之騷擾不可勝言臣居鄉時亦常勸富戶養鄉兵矣沿門求之竟不肖出臣為理時亦嘗奉委查鄉兵矣不過保甲牌中輪流而出以應操爾何曾有兵何曾堪用哉夫鄉兵驍壯者不少能使其朽腹荷戈乎能使其裹糧聽用乎上之人惟美其名而行之下之人亦承其令而應之隨造花名冊籍而進之輒云某州某縣有鄉兵若干

有其名無其實也有其籍無其人也即有其人皆責其備而不待旗鼓相當而已披靡矣愚以為當選鄉兵之駉壯者而汰額設之羸弱者以其餉餉之庶幾可行乎

鄉兵救命書

呂坤鄉兵救命書曰方今天下無真兵人人不知兵纔說練鄉兵箇箇氣惱死不管他日死活且怨眼前騷擾守土者離任之後各有職業只我鄉井人家墳墓親戚房舍田土在此千年離不了故園奈何不為久長之計也自今以後務要各鄉立個性命會十月初一以後三月初一以前共四箇月除

六十以上十五以下殘疾采病之人外每一保甲務選強壯
百人或長槍火槍併斧骨朵齊眉棍弓矢腰刀火礮繩鞭鐵
梢之類各認一件每日早晚習學遇酒席以此為輸贏賭酒
如猜枚投壺一般拈作一番如有武藝精通能為領袖者公
舉到官給帖獎賞如此雖三五十強盜不敢打家截道縱使
有賊攻城亦知此處兵強人練不敢生心就來臨城亦自膽
怯不敢持久而去矣此事民間可以自為有司每月試聚較
藝行賞罰以鼓舞之可爾

鄉兵勸諭

凡我居民聽我勸諭目下歲飢盜起却不商量一箇搶奪盜賊保護身家性命的方法只管聽信小人故意搖惑喧傳的虛教先自家慌做一團把婦女衣物糧食頭蓄亂行遷移逃躲無論貧民來攪搶奪只說為甚麼便輕易離了鄉井今有一法只有四箇字叫做大家齊心從今大家立誓日日整頓器械操演弓箭槍刀神槍大砲等件纔是禦備事體小人虛張勢勢捏造訛言正安我們亂動他好搶掠畧有識見的怎肯墮他術中若是大家齊心守護大家齊心救援大家齊心擒捉看他如何搶掠俗語云強龍難敵地頭蛇我們土著居

民道路熟便他們就是強壯道路生疎終怕我們四面圍捉
倘家家相扶持村村相聯絡遇一賊來便都出門大家齊心
向前難說賊頭都是好漢他馬是沿路搶的人是沿路隨的
真正賊徒不多古語道得好射人先射馬擒賊先擒王只用
百十箇好漢手拿百十條棗棍打他馬腿馬到了箇箇成擒
如賊到街衢兩旁只暗用絆馬索他馬如何敢走若擒入人
家居住如前日某村擄掠財物污辱婦女光景就該捨了幾
間房一把火燒箇罄淨若在村鎮外屯住晚間暗堆柴積料
周圍放火不怕他不勦滅何故只聽虛聲便都逃躲讓路讓

屋讓酒飯與他骨肉折散親戚飄零家業被搶妻女遭辱就
中自守的反保全無恙豈不是勇敢當先者可讓守身家性
命而慌怯逃躲者反辱身喪家之一明驗哉如今道院父母
為地方費盡心力募兵誚兵護守城池催督我們團練鄉兵
且懸重賞我們大家齊心奪勇保固一方奏聞九重名留千
古至一切功令賞罰公祖父母自有不測之妙用也先以此
約轉相勸告

鄉兵約束

鄉兵者鄉自為兵共守一鄉不隸于官者也官兵領官糧憑

官調遣聽主將統率方可策應殺賊四鄉離城寫遠賊來先
被搶掠就使官兵出城迎戰未免逗留時日況官兵那有許
多只好防守城池安能一時四鄉策應目今盜賊蜂起我們
鄉村不自家齊心保守祇望官兵剿賊恐官兵未到而身家
性命已難保矣為今之計我們鄉村約在五七里內可聯為
一社者大家立誓同心自相約束每村各擇立一總一總下
各挑簡精壯好漢或用弓箭或用火砲或用槍刀或用悶棍
或用砲石絆索務要有膽氣有力量或有謀畧能隨機應變
若酌量村之大小大村四五十人中村二三十人小村十數

人各立花名文冊村村相合多則七八百少則四五百如兵止五百則火砲手一百弓箭手一百長槍手一百砲石閤棍絆索雜兵共二百如多至七八百倍之可也各村各家照地畝糧石派銀公貯聽用時常合操訓練遇臨陣時每名給銀五分如有仗義疎財願多出者聽貧者免派止令銀隨衆人出陣可也臨陣大家齊心能殺勇爭先殺奪賊人首級財物者大家奏禮稱賀記姓名功績于冊稟官旌賞臨陣立脚不定先自退逃者記姓名逃逃于冊仍追銀入官公用衆人稱賀有功之人時還着他跪送酒食以示辱兵至五百立一勇

教當先信義孚衆者為正四人為副營兵若干俱聽約束指揮用鼓八面聞鼓則進用鐃八面聞鐃則止相樣施行不可違悞

鄉兵教習

教者教之以孝弟忠信鼓動親上死長的肝腸習者習之以武藝行陣練熟護身殺賊的妙法鄉間村夫久不知兵未免驚詫推諉况無官長催督誰肯帖然遵命我想人雖村野那箇沒有好勝爭强的念頭如今被賊搶掠家資淫擄婦女何故讓他通不與他賭開只因平日不曾習得護身殺賊真武

藝真小事一見賊先自膽怯常言道藝高人膽大可見真武
藝真本事是你們安身保命的實在受用何待上人督催然
後習學哉今各寨本村有名鄉兵自行立會勾弩槍棒火器
陣法件件自相比試或攢銀錢或攢酒肉如賭博取勝的一
般人人爭勝自然漸漸高強然後這村與那村比試互相賭
賽如此而村村爭勝自然有好漢出來臨敵之際擒捉得勝
官府又有獎賞比那無益賭開豈不便宜百倍或問攢銀錢
攢酒肉那有許多費用試問平昔賭博極無益極犯法之事
如何使不惜費此乃保全身家性命極有益極守法之事反

民壯

惜費乎鄉村賽神時各社爭強窮家小戶無不竭力出錢此徒求福于冥冥之中不可必得之數也人例樂意施財今于真本事立刻見効大獲保全之福利事及各惜而不為哉

衙門設有民壯弓兵徒步等役原為守城禦侮之用其代耕之耜不欲坐糜也明矣近乃不程力役徒備差遣致游手混入武藝茫如一旦有事尚欲召外兵練鄉兵反寔本衙兵壯不用無乃倒行而逆施之乎民壯不壯徒步不使弓兵無弓顧名思義其謂之何即應用固專設以捕賊者也而役之

未聞賊于何捕不獨此也各役之設一衙門有數百人數十人者有工食十二兩七八兩者程工與食第以列額行執牌果止爾此與秦射狼而使之噬也何異宜簡練以備緩急于本役工食內自備器械下班日赴演武場聽委首領官訓教有司官練閱之務要三月之內稍熟否則即行革退另召精勇有技之人充當

才能

大塊生才原無今古國家雖士不限雲泥方今時事多艱需粒粒起赴之才最急練兵練射不過督力技藝未有謀畧出

衆可為一軍司命者應行博訪或精曉天文象緯兵法陣法
三略六韜或精舟師車陣馬步戰法开工神火器械精妙入
微或膽力過人舉百鈞開兩石走及奔馬力拒猛虎射可穿
楊當加以殊禮拔用或高品殊才不輕來見有能知者舉報
即禮聘之其舉賢之人并行錄用延攬英雄廣搜奇傑今日
最亟務也從來名將或起于吹簫屠狗或伏于明樵販負十
步之內必有豐州安得謂一郡一邑之內遂無人哉

唐彬聘處士

唐彬刺雍州初下教曰此州名都士人林藪處士皇甫申叔

嚴舒龍姜茂時梁子遠等逆志節清妙履行高潔踐境望風
虛心似渴思加延致待以不臣之典幅巾相見論道而已豈
吏職屈染高規郡國備禮發遣以副于邑之望于是四人皆
到彬敬而待之以次起用各任顯要州以大治

趙方用名人土豪

趙方守襄陽十年以教為守令官民為一體通制總司為一
家許國以忠應變如神隱然有尊祖折衝之風故金人援邊
淮蜀大困而京西一境獨全方能用名人陳旅游九功輩皆
收為大吏危再興孟宗政皆自土豪推誠擢任致具死力卒

為良將故能藩屏一方使朝廷無北顧之憂

余玠乘招賢館

余玠知重慶時賢才論弃法度蕩然玠至大更禁政築招賢館于府左佚懷一如已居下令曰諸耆舊賢士欲以謀告我者徑詣公府士之至者玠殷勤款接咸得其歡心言有可用隨其才而任之播州民冉璉冉璞俱有文武才聞玠賢詣之玠待以上賓店旬日請開曰某兄弟奉明公禮遇思少有裨益非敢同衆人也為今西蜀計其在桃合州城治釣魚山乎玠大喜曰此玠志也先生之謀玠不敢諫以歸已密聞于朝

請不次官之

酒民曰天下未嘗無士也官日倨士日卑能修布衣之交者誰乎

技藝

守城非臨時守之也永事之先技藝募異凡巧思絕技之士靡不羅技麾下隨材任用周謀咨度虛心獨斷使羣策羣力無不畢舉于是守法具備而賊無可攻之隙下至游棍俠徒鷄鳴狗盜罪犯之輩亦必收之使彼各思得當以顯其才効其力此用人為守城第一義也

看翅人

後周韓果性強記魚有權略善伺敵虛實揣知情狀有潛匿
溪谷欲為開隙者果登高望之所疑處往必有獲宇文泰以
果為虞候都督每從征常領候騎晝夜巡察略不眠寢從破
稽胡于北山胡憚果勤勇趨捷號為看翅人

併游百金方卷三終

併游百金方

卷三

遊錄